

ШАХС СТРУКТУРАСИ ВА МОТИВАЦИОН СОХА РИВОЖЛАНИШИННИНГ ПСИХОЛОГИК ХУСУСИЯТЛАРИ

Жураев Содикжон Мухаммадинович

Наманган давлат университети магистранти

Аннотация. Ушбу маколада шахс структураси, шахсга структуравий ёндошишда кадриятларнинг урни бир канча психологик ёндашувлар билан ёритиб берилган.

Калит сузлар: шахс, структура, шахс структураси,

Annotation. In this article, the structure of the personality, the role of values in the structural approach to the individual is highlighted by a number of psychological approaches.

Keywords: person, structure, person structure,

Аннотация. В данной статье структура личности, роль ценностей в структурном подходе к личности выделены рядом психологических подходов.

Ключевые слова: личность, структура, структура личности

Маълумки, психология фанида шахсга системали ёндашувга оид бир қатор тадқиқотлар олиб борилган бўлиб, ҳар қайси тизимнинг тавсифи сифатида унинг тузилиши қабул қилинади. Одатда, структура – бу объектнинг бир қатор таркиблари ўртасидаги унинг яхлитлиги, ўзига ўзининг айниятлашувини таъминловчи барқарор ички алоқалар мажмуасидир.

Э.Ғ.Ғозиев “шахс структураси, яъни тузилиши муаммосини баён, талқин қилишда таянч ва жабҳа, компонент тушунча тариқасида яхлит тузилишнинг нисбий мустақил қисмидан, таҳлилнинг бирлиги сифатида элемент тушунчасидан, ҳар қандай контекстлардан яхлитлик хусусиятини акс эттирмаса ҳам улардан фойдаланамиз”, – деб айтиб ўтади. Унинг фикрича бундай тафовут шахс хусусиятларини яхлит ҳолда мукаммал очиш учун таркибий тизимли ва элементли тизимли даражаларини намоён этиш учун мутлақо зарур.[1]

Б.Г.Ананьевнинг фикрича, психологик ҳодисаларни ақл (интеллект), ҳиссиёт (эмоция) ва иродага ажратилиши инсон психологиясида структуравий ёндашиш тажрибасининг дастлабки кўриниши бўлиб, унинг ҳақчиллиги кўпгина психологлар томонидан тан олинган. У структуравий ёндашишнинг бошқа вариантлари тариқасида турлича психик ҳодисалар билан қарама-қарши алоқаларнинг эътироф этилиши – психик актларнинг психик функциялар, онгнинг онгсизлик, тенденцияларнинг потенциялар билан уйғунлигини таъкидлайди.

Шахс тузилишининг моделини ишлаб чиқишдаги мұхим қиынчилеклердинг энг асосий сабаби ҳар хил нұқтаи назарлар мавжудлигіда ёрқин намоён бўлади, улар “шахснинг тузилишига кўра, субстанционал ва идеал, ирсий ва эгаллаганлик, ижтимоий ва психологик, соматик ва психологик томонларига эга” (В.М.Банщиков).

Психология фанида қўлланилиб келинаётган ва нисбатан барқарорлашган шахсни йўналғанликка, темпераментга, характер ва қобилиятларга бўлиш етарли даражада кескин эътиrozларга сабаб бўлаётгани йўқ. Шунинг учун кўпгина психологлар умумий тизимнинг мажмуасини ташкил қилувчи мураккаб хусусиятларнинг тузилиши сифатида қарайдилар ва шахснинг яхлит тавсифини ифодалайди, деб тушунадилар. А.Г.Ковалевнинг фикрича, темперамент табиий хусусиятларнинг тизимини билдириб келади, йўналғанлик – эҳтиёж, қизиқиш, идеаллар тизими, қобилиятлар – интеллектуал, иродавий ва эмоционал хислатлар мажмуаси, характер – хулқ-автор усусларининг ва муносабатларининг синтезидир.

В.С.Мерлин ҳам шахснинг тузилиши масаласида фикр билдириб, шахснинг қисмларига ажратиб талқин қилинмайдиган жабха (компонент) – бу унинг хислатлари эканлигини келтиради. Уларнинг ҳар бири муайян йўналғанлик моҳиятини ўзида мужассамлаштирган бўлиб, шахс муносабатини акс эттиради. Шунга биноан шахснинг тузилиши деганда В.С.Мерлин инсоннинг ўз-ўзига, ўзгаларга, меҳнатга у ёки бу муносабатини ўзида бирлаштирувчи шахс хусусиятларининг ташкилий ва ўзаро алоқадорлигини англатувчи ўзига хос мажмуани тушунади.

Шахс тузилишида Д.А.Леонтьев қадриятларга куйидаги ўринни ажратиб берган. У шахс тузилишининг учта иерархик даражасини ажратади.[2]

Юқори даража – бу шахснинг энг ички тузилиши босқичи, қолган барча нарсалар келиб қўшиладиган психологик қобиқдир. Бунга, Д.А.Леонтьев бўйича, озодлик, масъулиятилик ва маънавийлик киради.

Иккинчи даража – бу шахснинг олам билан муносабати. Бу босқични яна “инсоннинг ички дунёси” тушунчаси билан ҳам таърифлашимиз мумкин. Бу босқичга у эҳтиёжларни, қадриятларни, муносабат ва конструктларни киритади.

Учинчи, қуи даража – бу шахс учун одатий бўлган ўзини ташқи намоён этиш шакллари ва усуслари, шахснинг “ташқи қобиғи”. Бу босқичга у характер, қобилиятлар ва ролларни киритган.

Шахслик қадриятлари алоҳида бир шахснинг ички дунёсини жамият ва алоҳида бир ижтимоий гурӯхларнинг ҳаёт фаолияти билан боғлайди. Инсон атрофдагиларининг нимагадир нисбатан қарашларини эҳтиёж сифатида ўзлаштириб олган ҳолда ўзи учун янги, эҳтиёжлардан мустақил бўлган хулқ-автор регуляторларини яратиб боради.

Б.В.Зейгарник ва Б.С.Братусь қадриятлар шахс шаклланишида етакчи роль ўйнайди, деб хисоблашади. Қадриятларга эга бўлиш – шахснинг ўз- ўзига эришиши деганидир. Қадрият шахснинг бирлиги ва ўз-ўзига ўхшаш бўлишларини мустаҳкамлайди, шахснинг асосий характеристикаларини, унинг ўзагини, одоби, аҳлоқлигини аниқлайди.[3]

Шахс шаклланиши жараёнида ўзлаштириладиган қадриятли тасавурлар инсон учун ўзига ҳос эталон бўлиб хизмат қиласди. У ушбу тасавурларни доимий равишда ўзининг хусусий қизиқишилари ва шахсий мойилликлари, хис қилаётган эҳтиёжлари ва актуал хулқ-атвори билан таққослаб боради.

Инсонлар ҳаёт кечирадиган ижтимоий институтлар ҳаракат қилишнинг мақсад ва усуслари га нисбатан муносабатда маълум бир қадриятли устунликларни акс эттиришади. Масалан, индивидуал иззати нафс ва муваффақият юқори баҳоланадиган жамиятларда иқтисодий ва ҳуқуқий тизим, эҳтимол, мусобақага киришувчан бўлишади (мисол учун, капиталистик бозор ва суд процесси тортишувли жараёни шаклланади). Ранг-баранглиги бўйича гурухий муваффақиятга қаратилган маданий урғу, энг аввало кооператив тизимларда акс этиши мумкин (масалан, социализм ва воситачилик). Ижтимоий институтларда ўз ролларини бажариб туриб, инсонлар қайси хулқ-атвор қабул қиласа бўладиган даражада эканлигини ҳал қилиш ва кейин ўз танловини бошқаси билан тушунтириш учун маданиятда қабул қилинган қадриятлардан фойдаланишади.

Е.И.Головаха фикрича, инсон режа ва мақсадларни белгилаган ҳолда ўз келажагини режалаштираётганда, энг аввало, ўзининг онгидага намоён бўлган қадриятларнинг маълум бир иерархиясидан келиб чиқсан ҳолда иш тутади. Ижтимоий қадриятларнинг кенг доирасида ўз йўналишини аниқлаётганда, индивид ўзида устунлик қилаётган эҳтиёжлар билан чамбарчас боғлиқ бўлганларини танлайди. Агар белгиланган мақсадларга эришилса, қадриятли ориентациялар янги мақсадларни қўйилишига ҳисса қўшади. Қадриятли ориентацияларнинг етарлича ривожланмаган иерархиясида аҳамияти бўйича тенг бўлган қадриятлар инсон онгидага бир-бири билан рақобатга киришади. Қадриятли ориентацияларнинг рақобати, биринчи навбатда, ҳаётий танлов ноаниқлиги вазиятини юзага келтиради. Шуни қўшиб ўтиш лозимки, турли аҳамиятга эга бўлган қадриятлар ҳар доим ҳам ҳаётий танлов ноаниқлигини келтириб чиқармайди. Бу ҳолат фақат қачонки улар қарама-қарши бўлганда юз бериши мумкин. [4]

Хулоса урнида айтиш мумкинки, қадриятлар шахснинг ўзаро алоқалари соҳаларидан ташқарида бўлмас экан, уларни инсон муносабатларининг у ёки бу типига қаратилган нуқтаи назар асосида кўриб чиқиш ҳақиқатга яқин бўлиб кўринмоқда. Қадриятли ориентациялар тизими у ёки бу даражада шу уч

муносабат типига “боғланиб қолган”. Баъзи бир типларнинг қадриятлари бир инсонда кўпроқ бўлиб, бошқа бирида ривожланмай қолган бўлиши мумкин. Шахснинг қадриятли ориентациялари турли қадриятлар ўзаро алоқасининг мураккаб тармоғидан ташкил топган бўлиб, бу ерда баъзи қадриятлар бир инсон учун устунлик қилиши, етакчи бўлиши мумкин, бошқалари уларга эришиш учун хизмат қиласди, учинчилари эса умуман фаоллаштирилмаган бўлиши, аммо потенциал жиҳатдан индивиднинг аксиологик “Мен”ида иштирок этиши мумкин.

Фойдаланилган адабиётлар:

1. Фозиев Э.Ф. Умумий психология. Т.: “Университет” – 2005., 124-бет.
2. Леонтьев Д.А. Очерк психологии личности. – М.: Смысл, 1993. – С. 43
3. Головоха Е.И. Жизненная перспектива и ценностные ориентации личности // Психология личности в трудах отечественных психологов / Сост. и общая редакция Л.В. Куликова. – СПб.: Питер, 2001. – С. 256-269
4. Haydarjon J. SHAXS IJTIMOIY XIMOYASIZLIGINI OGISHGAN XULQ ATVORGA TASIRINI IJTIMOIY PSIXOANALITIK MEXANIZMLARI //BARQARORLIK VA YETAKCHI TADQIQOTLAR ONLAYN ILMUY JURNALI. – 2022. – Т. 2. – №. 1. – С. 9-12.
5. Головоха Е.И. Жизненная перспектива и ценностные ориентации личности // Психология личности в трудах отечественных психологов / Сост. и общая редакция Л.В. Куликова. – СПб.: Питер, 2001. – С. 256-269
6. Odilboyevich J. H. SHAXS VA UNING TEMPERAMENTIDA PSIXOLOGIK HIMOYA MEXANIZMLARINING ORNI VA AXAMIYATI MOSLASHISHDA UNING TARKIBIY QISMLARI //MODELS AND METHODS FOR INCREASING THE EFFICIENCY OF INNOVATIVE RESEARCH. – 2023. – Т. 2. – №. 19. – С. 78-84.